

Вход 11.08.2024

**Тропарь глас 6:**

Ангельския силы на гробе Твоем,/ и стрегущии омертвеша,/ и стояше  
Марія во гробе,/ ищущи Пречистаго Тела Твоего./ Пленил еси ад, не  
искусився от него;/ встретил еси Деву, Даруяй живот.// Воскресий из  
мертвых, Господи, слава Тебе.

**Тропарь глас 4:**

Правило веры и образ кротости,/ воздержания учителя/ яви ты стаду  
твоему/ Яже вещей Истина./ Сего ради стяжал еси смирением высокая,/ нищетою богатая,/ отче священноначальниче Николае,/ моли Христа  
Бога,// спастися душам нашим.

**Тропарь глас 4:**

Мученик Твой, Господи, Каллиник/ во страдании своем венец прият  
нетленный от Тебе, Бога нашего./ имеяй бо крепость Твою,/ мучителей  
низложи,/ сокруши и демонов немощныя дерзости./ Того молитвами//  
спаси души наша.

**Кондак, глас 6:**

Живоначальною дланию/ умершия от мрачных удолий,/ Жизнодавец,  
воскресив всех Христос Бог,/ воскресение подаде человеческому роду:/  
есть бо всех Спаситель,// Воскресение и Живот, и Бог всех.

**Кондак, глас 3:**

В Мирех, святе, священнодействитель показался еси,/ Христово бо,  
преподобне, Евангелие исполнив,/ положил еси душу твою о людех твоих/  
и спасл еси неповинныя от смерти./ Сего ради освятился еси,// яко великий  
таинник Божия благодати.

**Слава ....**

**Кондак, глас 2:**

Горняя красная достойно ныне наследовал еси:/ Христовою бо zelo  
любвию разжегся,/ на огонь, Каллиниче, тем мужественно дерзнул еси,/  
Емуже и ныне предстоя,// не претай моля о всех нас.

**и ныне ....**

**Кондак, глас 6:**

Предстательство христиан непостыдное, / ходатайство ко Творцу  
непреложное, / не презри грешных молений гласы, / но предвари, яко  
Благая, на помощь нас, верно зовущих Ти: / ускори на молитву и потщися  
на умоление, / предстательствующи присно, Богородице, чтущих Тя.

---

**Прокимен, глас 6:** Спаси, Господи, люди Твоя / и благослови достояние  
Твое.

**Причастен:** Хвалите Господа с небес, хвалите Его в вышних. Аллилуиа,  
аллилуиа, аллилуиа.